

IO. WILHELMI DIETMARI D.

**CONSILIARII SAXONICI,
ANTECESSORIS IN ACADEMIA IENENSI, CVRIAE PRO-
VINCIALIS DVCVM SAXONIAE COMMVNIS, FACVLTATIS
IYRIDICAE ET SCABINATVS ASSESSORIS
ORDINARII, ET PRODECANI**

PROGRAMMA

NOBILISSIMI ET CLARISSIMI

IVRIVM CANDITATI

I A C O B I F E L S

LINDAVIA - ACRONIANI.

INAVGVRALI DISSERTATIONI

DE

CONFOEDERATIONE

CIVITATVM IMPERIALIVM

PRAEMISSVM

IENAE D. XXVI. MART. MDCCLII.

LITTERIS SCHILLIANIS.



RECEIVED

1900

THE
LIBRARY OF THE
UNITED STATES DEPARTMENT OF AGRICULTURE
WASHINGTON, D. C.

RECEIVED

1900

THE

LIBRARY OF THE

UNITED STATES DEPARTMENT OF AGRICULTURE

RECEIVED

1900

THE

LIBRARY OF THE



Cum Deo



De diuturnitate litium saltem non omnes quærentur litigantes, quid mirum? nam non tantum olim, sed et hodie publice et priuatim de modo lites abbreviandi, vel præcauendi solliciti sunt multi, inter eos vero de modo lites commode et pro salute publica priuataque, abbreviandi vel præcauendi, non conuenit. Placet illorum ratio, qui per partes huic malo mederi volunt, hinc de minuendis interlocutorijs sententiis cogitandum suadent, sane, quotidiana experientia docet, per eas sæpe lites, si non aeternae fiunt, adeo tamen protrahi, donec et aetas et bona eorum, qui bonam se causam habere credunt, vel etiam iurarunt, dissipata videas. Cum vero causae harum interlocutionum fere infinitae sint, vna lege et cura exstirpare non erit possibile, consili tamen et huic malo per partes posse creditur. Exempli loco animum subit casus inter lanios quosdam, qui de carne vendita contributiones, *Steisch, Accis*, præ-



flare debebant, et collectionem vni membro collegii succommiserant, a quo rationum redditionem petebant, et huius negata, vt probarent, decretum erat. Producebantur itaque testes lex ex ipso collegio, sed eos non admittendos esse, tanquam in causa propria, per *L. 10. D. et L. 10. C. de testibus* pronunciabatur. Leuteratione interposita reformationem prioris sententiae lanii impetrabant, et recte, ni fallor, quamuis enim nemo, in causa propria, sit testes idoneus, multo minus omni exceptione maior, distinguunt tamen, an causa vniuersitatis sit talis, quae non nisi per illos, de vniuersitate probari possit, veluti electio, et alia negotia, quae secreto fiunt, an vero talis quae de sui natura per alios, quam per illos de vniuersitate, probari queat? In priori casu, qui est de vniuersitate, est testis idoneus pro vniuersitate, nam aliter res probari non potest, quoad casum posteriorem, rursus distinguitur, an causa vniuersitatis immediate concernat commodum singulorum, v. g. in causa iuris piscandi, lignandi etc. an non? illo casu, qui est de vniuersitate, non est testis idoneus, per supra cit. *LL. 10. D. et 10. C. de test.* nam in particulari singuli sentiunt commodum, v. g. in pascuis, quibus gratis et absque mercede vtuntur, MEY. *conf. 73. n. 19. ff. et Dn. de BERGER, in elect. disc. for. tit. 22. obs. i. n. 6.* etiam in possessorio summarissimo tales testes repellit, atque hoc procedit, etiam si plures ex vniuersitate essent, CARPZ. *L. 3. resp. 39. n. 4.* quia omnes testificantur de causa propria. Hoc vero non facit testem minus idoneum, si saltem per consequentiam testimonium redundat ad singulorum utilitatem, modo principaliter respiciat iura vniuersitatis, STRVV. *exerc. 28. th. 39.* sic etiam admittuntur testes ex vniuersitate, si aduersarius non audet, ad quemquam ex vniuersitate provocare, qui pro se contrarium asserat, vel testis iurato affirmet, se id etiam a maioribus audiuisse, BRVNNEM. *cent. 5. dec. 91.* item admittuntur.

✠ ✠ ✠

admittuntur, quando singuli agere aut excipere non possunt suo nomine, *MENOCH. de arbitr. iud. quaest. L. 2. c. 2. cap. 106.* porro *Panormitanus ad c. 5. X. de test.* quoad ius pascendi et lignandi, singulos de vniuersitate admittendos esse putat, nam et in tali casu veritas aliter vix haberi potest. Videmus ergo regulam, neminem in propria causa testem esse posse, variis distinctionibus, extensionibus, restrictionibus et limitationibus implicitam esse, Idem accidit circa articulos pertinentes vel impertinentes, vt et instrumenta, quibus probatio instruitur. Hinc bene sibi consulunt, qui, saluis exceptionibus, admittunt articulos, testes, instrumenta et similia, et post probationem et reprobationem absolutam, in disputationibus super probatis, exceptiones contra articulos, testes, interrogatoria et instrumenta etc. deducunt. Ne vero litigantes, an iudex in concipienda sententia, has exceptiones multum attendere velit, desperent, publica lege securitas firmari potest, ita enim multum temporis et sumtuum litigantes lucrari possunt. Sed haec praemittere placuit, redeo ad illum, cuius gratia nunc scribo, nempe ad

NOBILISSIMVM ET CLARISSIMVM
IACOBVM FELS

LINDAVIA - ACRONIANVM

qui curriculum vitae suae sequentibus verbis ipse recenset :



Patriam habeo Lindauiam, ciuitatem illam imperialem, quae in Lacu Aeroniano est sita, in qua d. VI. Ianuar. MDCCXXX. in lucem sum editus. Parentes veneror patrem SEBASTIANVM FELS Directorem Cancellariae patriae, qui viam lethi iam Ao. MDCCXXXIV. mense Decembri calcavit; matrem Felicitas ex stemmate Frey oriundam; a quibus parentibus primis statim annis pietati et literis addictus manuuctioni ac institutioni eorum praeceptorum sum traditus, qui iuuentutem in lyceo patrio bonas literas scientiamque docent, inter quos tum propinquitatis, tum eximiae fidelitatis ac diligentiae causa, qua me in bonas literas incumbentem consilio auxilioque adiuuit, summa semper pietate colo Virum Clarissimum M. ANDREAM LANGENSEE Lycei patrii Rectorem longe meritissimum. Duce igitur Viro hocce Clarissimo viam studiorum scholaricorum per quinquennium emenso vitae ac studiorum rationis author mihi exitit atque moderator Vir quondam summe Reuerendus, iam beate defunctus M. SEBASTIAN FELS Ecclesiae ciuium Lindauiensium Pastor fidelissimus, qui patris mei vita orbatu instar ira me amauit, vt in aedes suas receptum mensae me adhibuerit, in scientia scitum necessaria me instruxerit, aliaque beneficia summi momenti in me contulerit. Hunc prudentem ingeniorum aestimatorem cum non fugeret, tempus adesse, quo in Academicis altioribus studiis me excolam, author is mihi fuit, vt musas Salanas adirem, et itineribus in earum sedem Ao. MDCCXXXVIII. mense Aprili contenderem. Huic Evergetae morem iam gerens salutavi Academiam nostram Salanam sub regimine Academico Viri Illustris DARIESII, et inserto meo nomine albo studioforum non intermisi eas scholas frequentare, in quibus principia, tum philosophica studioque iuridico haud parum inseruiencia, tum Themidis oracula mihi sunt proposita, et quidem Logicam, Metaphysicam, Politicam, Ius Naturae, scientiam Cameralem

Vir



Vir Illustris ac Consultissimus D. ARIES mihi explicuit, cuius collegio Grotiano ad ius belli et pacis quoque interfui. Historiam regnorum Europae et praesertim Imperii Germanici narrantem, nec non quavis hebdomade de publicis rebus gestis nouissimis seu nouellis bis. differentem audiui Virum Consultissimum D. SCHMIDIVM. Institutiones Iustinianicas me docuerunt Viri Consultissimi D. MOTER et D. HOFFMANN, quorum posterior iuris Germanici nec non historiae iuris ciuilis praecepta mihi tradidit. In explicatione G. A. STRYII iurisprudentiae forensis subuenit mihi Vir beatae memoriae D. STENGER. In Iure Canonico et criminali me instruit Vir Illustris ac Excellentissimus ENGAV, in pandectis vero, iure feudali et publico praeceptorem veneror Virum Excellentissimum HELLFELDIVM, a cuius ore quoque pependi in collegio examinatorio-disputatorio in pandectas instituto. Doctrina iuris gentium Europaearum imbutus sum a Viro Illustri ac Excellentissimo BYDER, et ex ore Viri Clarissimi C. W. F. WALCHII statum politicum Europae principatuum hausi, Viam, qua doctrinas iuridicas applicare possum ad facta, monstrauerunt mihi Vir Illustris ac Excellentissimus BROKES Praefes dissertationis meae inauguralis Grauissimus Fautor atque Patronus meus nunquam satis suspiciendus nec non Vir Consultissimus D. RAVENSBERG in collegio elaboratorio-practico. Denique non possum, quin referam, ex collegio disputatorio sub Moderamine Viri Consultissimi D. HOFFMANNI habito sapissime mox respondentis mox opponentis officio fungendo magno me cepisse emolumenta, eodemque Viro Doctissimo praesidente publice Disputationem meam *de retractu praecipue secundum statuta S. R. I. liberae ciuitatis Lindauensis* competente me defendisse.

— Multa



Multa ergo et varia eruditione instructus collegio semel nostro per solennia egregios suos profectus explorandos obrulit examina, atque ut summus utriusque iuris gradus ipsi conferretur, modeste petiit. Postquam igitur, singularem iurium scientiam satis probauit, concessum est ei, ut sub *illustris et excellentissimi Viri, Domini HENRICI BROKES*, Consiliari aulici Saxonici Gothani et Professoris Publici Ordinarii praesidio, dissertationem inauguralem: *de confederatione ciuitatum Imperialium*, die 27. Martii defenderet. Ad quem actum solennem, *Magnificum Dominum PRO-RECTOREM*, procures omnium ordinum grauissimos, quique alias hanc academiam ciuitatemque condecorant, cum generosa et nobilissima studioforum corona, opere quantum possum, maximo, ea, qua decet, obseruantia inuito. P. P. in Academia Ienensi, die

xxvi. Mart. Anno Christi

MDCCLII.



VAl 152 0957